



Broj: 02-04-3-3089/22  
Goražde, 25.08.2022. godine

Na osnovu člana 70. stav 1. i 4. Zakona o javnim nabavkama ("Službeni glasnik BiH" broj 39/14) u postupku javne za uređenje izletišta Gubavica na području grada Goražda, Gradonačelnik grada Goražda donosi:

## O D L U K U

o poništavanju postupka javne nabavke  
za uređenje izletišta Gubavica na području grada Goražda

### I

Ovom Odlukom poništava se postupak javne nabavke za uređenje izletišta Gubavica na području grada Goražda, raspisan putem konkurentskog zahtjeva za dostavu ponuda, koji je pokrenut Odlukom Gradonačelnika broj: 02-04-3-3089/22 od 25.07.2022. godine.

### II

Postupak nabavke se poništava iz razloga što nijedna od primljenih ponuda nije prihvatljiva za ugovorni organ.

### III

Ova Odluka će se objaviti na web stranici Grada Goražda [www.gorazde.ba](http://www.gorazde.ba), sa istovremenim upućivanjem ponuđaču koji je učestvovao u postupku javne nabavke.

## O b r a z l o ž e n j e

Gradonačelnik grada Goražda je dana 25.07.2022. godine, aktom broj 02-04-3-3089/22 donio Odluku o pokretanju postupka javne nabavke radova za uređenje izletišta Gubavica na području grada Goražda. Rješenjem broj: 02-04-3-3089/22 od 25.07.2022. godine imenovana je Komisija za provođenje postupka nabavke. Na osnovu navedene Odluke objavljeno je Obavještenje o javnoj nabavci na portalu javnih nabavki dana 01.08.2022. godine, pod brojem 413-7-3-42-3-32/22.

Komisija za provođenje postupka javne nabavke je Zapisnikom o pregledu i ocjeni ponuda broj: 02-04-3-3089/22 od 18.08.2022. godine konstatovala da je stigla samo jedna ponuda i to od firme „MARKAN“ d.o.o. Goražde. Pregledom pristigle ponude utvrđeno je da ponuđač nije dostavio dokumentaciju koja je tražena tenderom te iz tog razloga ponuda nije prihvatljiva za ugovorni organ.

Shodno naprijed navedenom Komisija predlaže Gradonačelniku da u skladu sa članom 69. stav 2. tačka d. Zakona o javnim nabavkama donese Odluku o poništenju postupka javne nabavke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. ponuđaču,
2. web stranica Grada Goražda,
3. a/a.-

